

Faamanuiaga o Tatalo Faaleaiga, Suesuega o Tusitusiga Paia Faaleaiga, ma Afiafi Faaleaiga

Ao e faitauina aoaoga nei a taitai o le Ekalesia, vase faamanuiaga na e oo mai ona o tatalo faaleaiga ma sueduega o tusitusiga paia i aso uma ma afiafi faaleaiga faalevaiaso.



Na aoao mai Elder Richard G. Scott o le Korama a Aposetolo e Toasefululua:

“Matua, fesoasoani e puipui malu a outou fanau e ala i le faaaaupegaina o i latou i le taeao ma le po i le mana o le tatalo faaleaiga. Puipui a outou fanau mai faatosinaga o aso uma a le lalolagi e ala i le faamalolosa o i latou i faamanuiaga mamana ia e maua mai i tatalo faaleaiga. O tatalo faaleaiga e tatau ona avea o se faamuamua e le fetuunaia i o outou olaga i aso uma.

“. . . Fai ia avea [tusitusiga paia] ma se vaega taua o lou olaga i aso uma. Afai e te manao i lau fanau ia iloa, malamalama, ma faatino ia uunaiga a le Agaga, e tatau ona e suedue i tusitusiga paia faatasi ma i latou. . . . O le suedue soo i tusitusiga paia i aso uma, o le a e maua ai le filemu i fesouaiga o siomiaina oe ma le malosi e tetee atu ai i faaososoga. O le a e atiaeina le faatuatua malosi i le alofatunoa o le Atua ma iloa e ala atu i le Togiola a Iesu Keriso o le a lelei ai mea uma e tusa ai ma le taimi a le Atua” (“Ia Avea le Faaogaina o le Faatuatua ma Mea E te Faamuamuaia,” *Ensign* po o le *Liahona*, Nov. 2014, 93–94).



Na aoao mai Sister Linda S. Reeves o le au peresitene aoao a le Aualofa:

“E tatau ona ou molimau atu i faamanuiaga o le suedue i tusitusiga paia i aso uma, ma tatalo, ma afiafi faaleaiga faalevaiaso. O faaitaiga tonu ia o le a fesoasoani i le aveesea o le popole, ma taitaia o tatou olaga, ma faaopoopo atu se puipuiga i o tatou aiga” (“Puipuiga Mai Ponokalafi—o se Aiga e Taulai Atu ia Keriso,” *Ensign* po o le *Liahona*, Me 2014, 16–17).



Na tautino mai Peresitene Thomas S. Monson:

“O tatalo faaleaiga o se puipuiga sili ona aoga e puipui ai mai le agasala, ma o le mea lea e avea ai ma se mea e sili le aoga mo le mauaina o le olioli ma le fiafia” (“Hallmarks of a Happy Home,” *Ensign*, Nov. 1989, 69).

Manatunatu loloto i fesili nei:

- O fea o nei faamanuiaga ua e mauaina i lou aiga pe ua e vaia i nisi o aiga?
- O a mea e mafai ona tatou faia nei ina ia maua atili atoatoa ai nei faamanuiaga?